

الْوَرْدُ اللَّطِيفُ

الإمام عبد الله الحدّاد

**POSLANIKOVE
DOVE I ZIKR**

Vird al-Latif

• • •

Imam al-Haddad

Pripremio: Dr. Haris Memić

Mobilno izdanje

UVOD

Poslanik, a.s., predvidio je hadisom da će u svakom stoljeću Allah, dž.š., podići čovjeka koji će obnoviti Njegovu vjeru. Imam Abdullah al-Haddad, r.a., poznatiji kao Imam al-Haddad, smatra se obnoviteljem ili mudžeddidom dvanaestog islamskog stoljeća te jednim od najvećih evlija u historiji islama.

Rođen je pored grada Tarima u Jemenu, u porodici duhovnih učitelja koji su, poput njega, potomci posljednjeg Allahovog poslanika, Muhammeda, a.s. Odrastao je u okruženju gdje je naglasak bio na pobožnosti, skromnosti, erudiciji i beskompromisnoj žeđi za spoznajom Allaha. Njegovi su preci stoljećima stvarali generaciju za generacijom, velike učenjake, one koji su spoznali Allaha i one koji su pozivali na Pravi put.

Njegova pisana djela uglavnom se bave uspostavljanjem što jačih temelja vjere i sigurnosti među njegovim čitaocima. Prepoznao je znakove nadolazećih vremena. Stoga je stvarao sažete, jasne i nekontroverzne tekstove, prikladne za današnje vrijeme, kao što je slučaj i s ovim djelom. Njegova je islamska poezija dostigla takav stepen prihvaćenosti da je jedan od njegovih stihova urezan velikim slovima na zidu ograđenog prostora u kojem se nalazi mezar Allahovog Poslanika.

Imam al-Haddad ne samo da je pozivao ljude ka Allahu i Njegovom voljenom Poslaniku kroz knjige, litanije i kaside već ih je privlačio Allahu snagom svoga duhovnog pogleda i osvajao srca masa svojim neizmjernim blagodatima. Na kraju je postao poznat kao Kutb (duhovni stup) da've i upute, a njegov duhovni rang je nemjerljiv. Bio je potpuni odraz Muhammedovog, s.a.v.s., sunneta i Allahove upute. Preselio je 1132. hidžretske godine i pokopan je u Tarimu, u Jemenu.

Poslanik, s.a.v.s., savjetovao je ljude da se pred kraj vremena drže Šama (Velike Sirije), a ako ne Šama - onda Jemena, i rekao je: „Vjerovanje je jemensko, razumijevanje vjere je jemensko i mudrost je jemenska.“

Jedna od najslavnijih litanija Imama al-Haddada je Vird al-Latif. Isti nije dug i potrebno ga je učiti nakon sabaha i akšama. Ako to nije moguće, treba ga učiti jednom prije podneva i jednom poslije podneva.

Kao i sve litanije Imama al-Haddada, Vird al-Latif se sastoji isključivo od molitvi/dova i zikra Poslanika i formula koje je on preporučivao svom ummetu da uče ujutro i navečer. Strogo je u skladu sa sunnetom, a kada postane navika, osoba može biti sigurna da slijedi Poslanikove upute.

Kao što je jedan učenjak rekao: živimo u doba mentalne nestabilnosti kao posljedice napuštanja sjećanja na Allaha. Imam al-Haddadov skup dova, poput ovih, zasnovanih na Kur'anu i sunnetu, jeste iscjeljenje i Vjerovjesnikov lijek od doktora srca, koji je učio svoj zanat od istinskih učenjaka znanja i djela, sve dok i sam nije postao majstor.

Prema autentičnom hadisu: „Učenjaci su nasljednici Poslanika“, a nasljednik, kao što zna svaki islamski pravnik, može koristiti nasljedstvo prema vlastitom nahođenju. Imam al-Haddad bio je takav nasljednik Posljednjeg Allahovog Poslanika, uzora Njegovog stvaranja, našeg učitelja Muhammeda, a.s., i izabrao je i posložio ove molitve/dove i zikr onako kako se nikome osim majstoru ljekaru ne može povjeriti da to učini. Ono što nama preostaje jeste samo da uzmemo lijek.



POČETAK

U ime Allaha, Svemilosnog, Samilosnog. Reci: On je Allah – Jedan! Allah je Utočište svakom! Nije rodio i rođen nije, i niko Mu ravan nije! (112)

3x

U ime Allaha, Svemilosnog, Samilosnog. Reci: Utječem se Gospodaru svitanja od zla svega što je stvorio, od zla mračne noći kada se spusti, od zla onih koji (vračbinama) u čvorove pušu, i od zla zavidnika kada zavidi. (113)

3x

U ime Allaha, Svemilosnog, Samilosnog. Reci: Tražim zaštitu Gospodara ljudi, Vladara ljudi, Boga ljudi, od zla došaptavača – koji došaptava u grudi ljudi – bilo da je od džinna ili od ljudi! (114)

3x

Gospodaru moj! Tražim Tvoju zaštitu od šejtanskih nagovaranja i tražim Tvoju zaštitu od njihovog približavanja. (23:97–98)

3x

Zar ste mislili da smo vas stvorili uzalud i da Nam se nećete vratiti? Uzvišen je Allah, Istinski Vladar; nema boga osim Njega, Gospodara Arša veličanstvenog. A ko, pored Allaha, drugog boga moli, za kojeg nema dokaza, obračun će polagati kod Gospodara svoga; nevjernici neće uspjeti. I reci: Gospodaru moj, oprosti i smiluj se, Ti si Najmilostiviji. (23:115–118)

Slavite Allaha kada god omrknete i kada god osvanete – Njemu pripada sva hvala na nebesima i na zemlji – i u predvečerje i kada podne dočekate. On izvodi žive iz mrtvih i mrtve iz živih, i oživljava zemlju nakon što je mrtva – tako ćete i vi biti proživljeni. (30:17-19)

Utječem se Allahu, Koji sve čuje i sve zna, od prokletog šejtana.

3x

Da smo ovaj Kur'an na planinu "spustili", vidio bi je poniznu i kako se raspada od straha prema Allahu. Ovakve primjere dajemo ljudima da bi razmislili. On je Allah, nema boga osim Njega, Poznavalac skrivenog i vidljivog; On je Svemilosni, Samilosni. On je Bog, nema boga osim Njega. On je apsolutni Vladar, Sveti, Mir (svakome), Darivatelj sigurnosti, Onaj Koji nad svim bdi, Silni, Neodoljivi, Veličanstveni. Allah je daleko iznad svega što Mu lažno pripisuju. On je Allah: Stvoritelj, Koji iz ničega stvara, Koji svemu daje oblik. Njemu pripadaju najljepša imena. Slavi Ga sve što je na nebesima i na zemlji. On je Silni, Mudri. (59:21-24)

Selam neka je na Nuh-a među svim stvorenjima! Ovako nagrađujemo one koji dobra djela čine, on je bio jedan od Naših vjernih sluga. (37:79-81)

Tražim zaštitu u Allahovim savršenim riječima od zla svega što je stvorio.

3x

U ime Allaha, s čijim imenom ništa ne može naštetiti ni na zemlji ni na nebu. On sve čuje i sve zna.

3x

Allahu moj, osvanuo sam u Tvojim blagodatima, blagostanju i zaštiti, pa te molim da mi upotpuniš Svoju blagodat, Svoje blagostanje i Svoju zaštitu prema meni – na dunjaluku i na ahiretu!

3x

Allahu moj, ovog jutra svjedočim pred Tobom i pred nosiocima Tvoga Arša i pred Tvojim melekima i pred svim Tvojim stvorenjima, da si Ti Bog, da nema boga osim Tebe, Ti si Jedan bez sudruga, i da je Muhammed Tvoj sluga i poslanik.

Uvečer: „...ove večeri...”

4x

Hvala Allahu, Gospodaru svjetova, zahvalom koja odgovara Njegovim blagodatima i koja odgovara povećanju Njegovih darova.

3x

Vjerujem u Allaha Veličanstvenog, odbacujem idole, čarobnjaštvo i magiju; i čvrsto se držim najčvršće veze – koja se ne prekida – Allah je Onaj koji sve čuje i zna.

3x

Zadovoljan sam Allahom kao Gospodarom, islamom kao vjerom i našim učiteljem Muhammedom, neka je Allahov благослов i mir na njega i njegovu porodicu, kao vjerovjesnikom i poslanikom.

3x

Allahu moj, osvanuo sam u Tvojim blagodatima, blagostanju, i zaštiti, pa mi upotpuni Tvoju blagodat, Tvoje blagostanje i Tvoju zaštitu – na dunjaluku i na ahiretu!

Allah mi je dovoljan, nema boga osim Njega, u Njega se uzdam; On je Gospodar Arša veličanstvenog. (9:129)

7x

Allahu moj, blagoslovi našeg sejjidina Muhammeda, njegovu porodicu i ashabe, i podari im mir.

10x

Allahu moj, molim Te za iznenadno dobro i tražim Tvoju zaštitu od iznenadnog zla.

Allahu moj, Ti si moj Gospodar, nema boga osim Tebe. Ti si me stvorio i ja sam Tvoj rob. Držim se svoje obaveze i obećanja prema Tebi koliko mogu. Tražim Tvoju zaštitu od zla koje sam počinio; priznajem Tvoje blagodati prema meni i priznajem svoje grijeh; oprosti mi, jer niko osim Tebe ne može oprostiti grijeh.

Allahu moj, Ti si moj Gospodar, nema boga osim Tebe; na Tebe se oslanjam; Ti si Gospodar Arša veličanstvenog.

Ono što Allah želi – to se desi; ono što ne želi – to se ne desi; nema moći niti sposobnosti osim od Allaha, Uzvišenog, Silnog.

Znam da Allah ima moć nad svim stvarima; Allah sve obuhvata Svojim znanjem.

Allahu moj, tražim Tvoju zaštitu od zla moje duše i zla svakog stvorenja na zemlji čijim čelima upravljaš; moj Gospodar je na pravom putu.

O, Vječno Živi; o, Uzdržavatelju! Tvojom milošću pomoć tražim i od Tvoje kazne zaštitu molim!

Učini dobrim sve moje stvari/poslove, i ne prepuštaj me samome sebi, niti bilo kojem od Tvojih stvorenja, ni koliko treptaj oka.

Allahu moj, tražim Tvoju zaštitu od brige i tuge; tražim Tvoju zaštitu od nemoći i lijenosti; tražim Tvoju zaštitu od kukavičluka i škrtosti; i tražim Tvoju zaštitu od tereta dugova i tiranije ljudi.

Allahu moj, molim Te za blagostanje na ovom i na onom svijetu.

Allahu moj, Ti si moj Gospodar, nema boga osim Tebe. Ti si me stvorio i ja sam Tvoj rob. Držim se zavjeta Tebi datog i obećanja Tvog koliko mogu. Tražim Tvoju zaštitu od zla koje sam počinio; priznajem Tvoje blagodati prema meni i priznajem svoje grijehе; oprosti mi, jer niko osim Tebe grijehе ne oprašta.

Allahu moj, molim Te za oprost, blagostanje i trajnu sigurnost u mojoj vjeri, ovosvjetskom životu, porodici i imetku.

Allahu moj, pokrij moje sramote i ublaži moje strahove.

Allahu moj, zaštititi me (od zla) sprijeda, straga, s moje desne i s moje lijeve strane, i odozgo, i tražim utočište u Tvojоj veličanstvenosti od neočekivanog zla odozdo.

Allahu moj, Ti si me stvorio i Ti me upućuješ; Ti me hraniš i Ti me napajaš; Ti me usmrćuješ i Ti me oživljavaš.

Jutros smo osvanuli na fitri islama, na principima šehadeta (riječ: la ilahe illellah), na vjeri našeg vjerovjesnika Muhammeda, neka Allah blagoslovi njega i njegovu porodicu i podari im mir, i na vjeroispovijesti našeg oca Ibrahima, čistog vjernika, koji nije bio od mnogobožaca.

Uvečer: „Večeras smo omrknuli“

Allahu moj, Tvojom voljom dočekasmo jutro i Tvojom voljom dočekasmo večer. Tvojom voljom živimo i Tvojom voljom umiremo; u Tebe se uzdamo, i Tebi je ponovo oživljenje.

Uvečer: „...i Tebi se vraćamo.“

Osvanusmo, i osvanu vlast Allahova, i hvala Allahu, Gospodaru svjetova.

Uvečer: „Omrkosmo...“

Allahu moj, molim Te za dobro ovog dana – njegova (duhovna) otvaranja, pobjede, svjetlo, bereket i uputu.

Uvečer: umjesto „ovog dana“ treba reći „ove noći“.

Allahu moj, molim Te za dobro ovog dana i za najbolje od onoga što je u njemu, i tražim Tvoju zaštitu od zla ovog dana i najgoreg od onoga što je u njemu.

Uvečer: umjesto „ovog dana“ treba reći „ove noći“.

Allahu moj, svaka blagodati koju dočekam ja, ili bilo ko od Tvojih stvorenja, je od Tebe Jedinog – Ti sudruga nemaš. Zato Tebi pripada sva hvala i Tebi pripada sva zahvalnost na tome.

(UJUTRO SE DODA)

Nema boga osim Allaha, Jedinog, bez sudruga; Njegova je sva vlast; Njemu pripada sva hvala; On nad svim ima moć.

KRAJ

Neka Allah primi vaše dove i zikr.

• • •